



Ilaqutariinnermut Peqqissutsimullu Ataatsimiititaliaq
 Inatsisartut
 /MAANI

UPA2017/131 tunngavigalugu Nakkutilliineq pillugu apeqqufit akissutaat

12-05-2017
 Sags nr. 2016 - 8524
 Akt. id. 5364744

1) Siunnersuummi § 8, imm. 6-imi nakkutilliineq pillugu Naalakkersuisut sukumiinerusumik aalajangersaasalernissartik takorloorpaat. Nakkutilliineq pillugu nalunaarummik suliaqarniarnerpit uppersarneqarnissaata saniatigut nakkutilliinnermut tunngatillugu sukumiinerusumik maleruagassatut eqqarsaatigisatit pillugit sukumiinerusumik nassuiaaqquneqarputit.

Postboks 260
 3900 Nuuk
 Tlf. (+299) 34 50 00
 Fax (+299) 34 66 66
 E-mail: iniian@nanoq.gl
 www.naalakkersuisut.gl

Akissut:

Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoqarfik Namminersorlutik Oqartussat, ilaqutariinnut paarsisartunut, kiisalu ulloq unnuarlu angerlarsimaffinnut (Nakkutilliineq pillugu nalunaarusiaq) tunngatillugu Nalunaarutissaattut siunnersuummik suliaqareerput, ilaatigut siunnersuutip § 8 imm. 6 tunngavigalugu atuuttussanngortinneqartussamik.

Tusarniaanermut uiggiullugu Naalakkersuisoqarfik 23. - 26. april 2017-mi isumasioqatigiissitsivoq ilaatigut kommuninit, ulloq unnuarlu angerlarsimaffinnit, Isumaginninnikkut Maalaaruteqartarfimmit, Politiinit, Isumaginninnermut Aqutsisoqarfimmit il.il. peqataaffigineqartumik, periarfissinneqarpullu Nalunaarutissatut siunnersuutinut immersueqataanissaminnut, manna tikillugu Meeqqat tapersorsorneqarnissaannut Inatsisartut Inatsisissaattut siunnersuummi tunngavilikkamik suliarineqartunik, uani ilaallutik nakkutilliineq pillugu nalunaarusiaq.

Ilaqutariittut paarsisartut kiisalu ulloq unnuarlu paaqqinnittarfinnut nakkutilliineq pillugu Namminersorlutik Oqartussat nalunaarutissaattut siunnersuut 13. maj 2017 pisortatigoortumik tusarniaassutigineqarluni nassiunneqarpoq, ilanngussatullu uani ilaatinneqarpoq.

Nakkutilliineq pillugu nalunaarusiaq ilaatigut malittarisassanik makkuninnga imaqarpoq:

- *Inunnut ataasiakkaanut tunngatillugu nakkutilliineq, tamatuma qulakkiissavaa najugaqarfinni meeqqat angerlarsimaffiup avataanut inissinneqarfigisaanni, meeqqap pisariaqartitaanut naammattumik tulluurtumillu ikorfartuisoqarnerseq.*
- *Ilaqutariittut paarsisartunut tunngatillugu ingerlatsinnermut nakkutilliineq, kommunalbestyrelsit kommunimi ilaqutariit paarsaqarsinnaasutut akuersissummik tunniussaqaqfigisimasaminnut nakkutilliisussaataanerat,*

taamaalillutillu ataavartumik qulakkiissallugu ilaqutariittut paarsisartut, ilaqutariittut paarsisartunut piumasaqaatit eqquutinneraat.

- *Ulloq unnuarlu angerlarsimaffinnut tunngatillugu ingerlatsinermut nakkutilliineq, Naalakkersuisut ingerlatsinermut perorsaanermullu tunngatillugu meeqqat ulloq unnuarlu angerlarsimaffinnut nakkutilliisussaataapput, taamaalilluni qulakkeerneqassamat meeqqat ulloq unnuarlu angerlarsimaffiini tamani pitsaassutsikkut pisariaqartitat kiisalu akuersissummik peqaannarnissaannut piumasaqaataasut eqquutinneqarnersut.*

Meeqqat angajoqqaarsianut/ulloq unnuarlu angerlarsimaffinnut inissinneqarsimasunut kommuninit nakkutilliinerat qanoq akulikitsigisarnissaa naatsorsuutigaaq?

Akissut:

Namminersorlutik Oqartussat nalunaarutissaattut suliarineqarsimasumi, ilaqutariittut paarsisartut kiisalu ulloq unnuarlu angerlarsimaffiit pillugit nakkutilliinermi (nakkutilliineq pillugu nalunaarusiaq) Naalakkersuisunit piumasaqaatigineqarpoq, kommunalbestyrelsi ukiumut ikinnerpaamik marloriarluni inunnet pineqartunut tunngatillugu nakkutilliineq aammalu ulloq unnuarlu angerlarsimaffinnut inissinneqarsimasunut nakkutilliineq naammassisassagaat. Inunnulli ataasiakkaanut nakkutilliinermut tunngatillugu, tamatigut meeqqamut ikorfartuinermi siunertaasoq, meeqqap pisariaqartitaanut tulluuttumik atuunnersoq ataavartumik nalilersorneqartarnissaa qulakkeerneqassaaq. Uanili erseqqissaatigineqassaaq, siunnersuut massakkut pisortatigoortumik kommuninut tusarniaassutigineqarmat.

Kommunalbestyrelsip inunnet ataasiakkaanut tunngatillugu nakkutilliinerata qulakkiissavaa, meeqqap pisariaqartitai aallaavigalugit naammattumik naleqquttumillu ikorfartuisoqarnersoq, taamatuttaaq iliuusissatut pilersaarummi anguniagaasut inissinneqarnikkut suli naammassineqarsinnaanersut. Tassunga atatillugu piumasaqaataavoq, sapinngisamik meeqqap oqaloqatigineqarnissaa naammassineqassasoq.

2) Meeqqanut inuusuttunullu angajoqqaarsianut ulloq unnuarlu angerlarsimaffinnullu inissinneqarsimasunut nakkutilliinernut siunertaqartunut kommunit qanoq atugassinneqarpat aammalu maannamut meeqqanik inuusuttunillu angajoqqaarsianut ulloq unnuarlu angerlarsimaffinnullu inissinneqarsimasunut kommunit nakkutilliinerminni periusertagaat, kisitsisit pitsaassutsillu ilisimasaqarfigaagit?

Akissut:

Meeqqanut inuusuttunullu suliassaqrifiup kommuninut tunniunneqarneranut atatillugu, suliassaqrifimmut aningaasartuutaanerulersut kommuninut bloktilskud-itigut tapiissutigineqartalerput. Ilisimasakka naapertorlugit kommunit inunnet ataasiakkaanut tunngatillugu, meeqqanut inissinneqarsimasunut, ilaqutariinnut paarsisartunut kiisalu

ulloq unnuarlu angerlarsimaffinnut nakkutilliisarnerannut aningaasartuutaannik takussutissaqanngilaq. Isumaginninnermut, Ilaqutariinnut, Naligiissitaanermut Inatsisinullu Atuutsitsinermut Naalakkersuisoqarfiup ataaniittup nakkutilliinermik ingerlatsiviup, 1. januar 2016-mi pilersineqartup, kommunit nakkutilliisarnerinut takussutissanik ersarissunik sulii amigaateqarput, taamaattorli ilisimatitsissutigaa kommunit nakkutilliisarneq pingaartinnerusariaqaraat.

3) Meeqqat inuusuttullu angerlarsimaffiup avataanut inissinneqarsimasut tamarmik kommuninit nakkutigineqarnerat Namminersorlutik Oqartussat Nakkutilliisoqatigiivinit tiguneqarnissaa periarfissaava taamatullu aqqissuussineq qanoq eqqarsaatersorfigaajuk?

Akissut:

Aallaqqaatit oqaatigissavara, Naalakkersuisut pilersaarutiginnimmassuk suliasaqaarfiit kommuninit ingerlanneqareersut tigussallugit. Naalakkersuisulli eqqumaffigaat meeqqat ilaqutariinni paarsisartunut inissinneqarsimasut, ulloq unnuarlu inissiisarfimmut inissinneqarsimasutuulli nakkutilliivigineqarnissaasa pingaaruteqassusaat.

Nakkutilliinermik ingerlatsivik ullumikkut 6-nik sulisoqarpoq, Kalaallit Nunaanni kommunit nunaqarfiillu nakkutilliiffialugit suliaqartussanik. Isumaginnittoqarfinnik nakkutilliinerup saniatigut, Nakkutilliinermik ingerlatsiviup sulisuisa Kalaallit Nunaanni ulloq unnuarlu angerlarsimaffiit tamaasa, Namminersorlutik Oqartussanit, kommuninit imaluunniit ulloq unnuarlu angerlarsimaffiit namminersortut pigineqartut nakkutilliiffigissavaat. Ilutigalugu kommuninut piumasaqaataavoq, kommunip illoqarfimminni nunaqarfimminnilu isumaginnittoqarfimminnut ukiumut ikinnerpaamik ataasiarlutik nakkutilliisassasut, tassungalu atasumik ulloq unnuarlu angerlarsimaffinnut tamanut nakkutilliartortassasut anguniarneqassasoq.

Massakkut ulloq unnuarlu angerlarsimaffiit, aqutsisuisa kisinnerisigut, 28-iupput, ulloq unnuarlu angerlarsimaffiit arlalinnik immikkoortortaqaqarfulutillu immikkut najugaqarfittalinnik.

Tunnigaviatigut erseqqissaassutigineqassaaq kommunit inatsisit atuuttut tunngavigalugit pisussaaffeqarmata, meeqqat inuusuttullu angerlarsimaafiup avataanut inissinneqarsimasut tamaasa ataavartumik nakkutilliiffigissallugit. Ima isumaqarpoq, nakkutilliinermut pisariaqartitsinertik kommunit misissortuassavaat naliliivigalugulu, matumani ukiumut ataasiarluni arlaleriarluniluunniit nakkutilliisoqassanersoq.

Periarfissaq alla tassaasinnaavoq, sumiiffinni nakkutilliinermut immikkoortortanik pilersitsineq, taakku qitiusumik nakkutilliisartunut nalunaaruteqartarsinnaallutik nakkutilliinissaq pisariaqartinneqartutut nalilernerqaraangat.

Nakkutilliinermik ingerlatsivik kommunit meeqqanut inuusuttunullu angerlarsimaffiup avataanut inissinneqarsimasunut nakkutilliisussaatitaanerisa tigunissaanut periarfissaqanngilaq, aningaasaliissutinik amerlanerusunik suliasamat naammassinninnissaannut atugassanik tunniussisoqanngippat.

4) Assersuutigalugu nunap immikkoortuini angajoqqaarsiaqartitsinikkut nakkutilliinermilu siunnersorteqartitsinikkut nakkutilliineq pillugu

Namminersorlutik Oqartussat kommunillu annertunerusumik suleqatigiinnerisisut nakkutilliisoqarsinaanera takorloorsinnaaviuk?

Apeqqutip 5-ip akissutaa innersuussutigineqarpoq .

5) Meeqqat inuusuttullu angajoqqaarsianut ulloq unnuarlu angerlarsimaffinnullu inissinneqarsimasunut tunngatillugu nakkutilliineq pillugu Naalakkersuisut kommunillu sukumiinerusumik isumaqatigiissusiorsinnaanerisa ammaaneqarnissaanut assersuutigalugu siunnersuummi § 8-mi tunngavissalimmik isumaqatigiissummik suliaqartoqarsinnaanera teknikkikkut periarfissaasinnaava?

Akissut:

Siunnersuummi kapitallit 3-t imarai nakkutilliinermik suliaqarnermi akissussaaffiit piginnaatitaaffiillu ersarissumik killilernerqarneri agguataarneqarnerallu. Matuma kingorna kommunalbestyrelsit tassaapput inunnut ataasiakkaanut tunngasutigut meeqqanut angerlarsimaffiup avataanut inissinneqarsimasunut nakkutilliisussaataitaneri kiisalu ingerlatsineq eqqarsaatigalugu ilaqutariittut paarsisartunut nakkutilliisussaataitaneri, Naalakkersuisullu ingerlatsinermut tunngatillugu ulloq unnuarlu angerlarsimaffinnut kiisalu pingaarnertut kommuuninut nakkutilliisussaataitanermik akisussaaffeqarnerat.

Nakkutilliineq pillugu nalunaarusiassatut siunnersuut taamatut aaqqissuussisimaneq atorlugu suliarineqarpoq.

Siunnersuutigineqartut Naalakkersuisut kommunillu nakkutilliineq pillugu isumaqatigiissuteqarsinnaanerat inatsisitigut periarfissineqassappat, tamanna isumaqassaaq inatsisip nakkutilliineq pillugu kapitallit 3-at kiisalu nakkutilliineq pillugu nalunaarusiap atortussaajunnaarsinneqarsinnaanera.

Inatsisitigut Naalakkersuisut kommuunillu akunnerminni isumaqatigiissusiorsinnaanissaat periarfissinneqassasut kissaatigineqassappat, inatsisip kapitallit 3-t kiisalu nakkutilliineq pillugu nalunaarusiaq allanngortinneqartariaqalissapput, taamaattoqassappallu tamanna siunnersuutip aappassaaneerineqannginnerani pisinnaasutut isigineqanngilaq.

6) Nakkutilliineq pillugu meeqqat tapersorsorneqarnissaat pillugu Inatsisartut inatsisaanni aalajangerneqarpat kommunit meeqqanik inuusuttunillu angerlarsimaffiup avataanut inissinneqarsimasunik nakkutilliisussaataitanerat ukiumut marloriarluni pisassappat aningaasatigut qanoq kinguneqassava?

Akissut:

Suliassaqarfiup kommuninut tunniunneqarnera ilutigalugu, aningaasartuutaanerusussat bloktilskud-itigut aningaasaliiffigineqartarput. Taamaattorli ulluinnarni sulinermi,

aralitsigut uppersarneqarsinnaavoq inatsisit atuuttut siunertaat anguniagaallu malillugit sullissiniarneq amigaaqartoq.

7) Siunnersuummi § 11, imm. 5-imi aamma siunnersuutigineqarpoq pisinnaatitaanermi aalajangersakkami nakkutillineq pillugu malittarisassanik Naalackersuisut sukumiinerusumik aalajangersaasinnaasut. Pisinnaatitaanermi aalajangersakkamut tassunga atatillugu atatillugu nakkutilliinermi pitsaassuseq kisitsisillu pillugit eqqarsaatersuutitit takorluukkatillu ersarinnerusumik nassuiaqquneqarput.

Akissut:

Namminersorlutik Oqartussat, ilaqutariittut paarsisartunut kiisalu ulloq unnuarlu angerlarsimaffinnut nakkutillineq pillugu nalunaarutissaattut siunnersuutaanni suliarineqarsimasumi (nakkutillineq pillugu nalunaarusiaq) kapitallit 4-nni kommunalbestyrelsit ingerlatsinerannut nakkutillineq pillugu pingaarnertut aalajangersakkat allattorsimapput, siunnersuummit § 11 imm. 5-ikkut tunngavilerneqartumik.

Pingaarnertut nakkutilliinermi matumami, isumaginninnikkut suliat pitsaassusai, inatsisit aningaasaqarnerlu ilaatinneqassapput. Nakkutilliinermut atatillugu suliarineqarsimasut amerlassusaannik sinnisut suliat arlallit misissorneqassapput, inuit sulianut attuumassuteqartut oqaloqatigineqassapput kiisalu kukkuneruissuqassalluni.

Ingerlatsiviit isumaginninnikkut suliaat, kiisalu inatsisitigut sullissinerat, nakkutillineq pillugu nalunaarusiami aalajangersakkat tunngavigalugit makku naliliivigineqartassapput:

- Periusissatut allasimasutigut maleruagassat suleriaatsillu atuutsinneqarneri, matumani nassuiaatinut missiliuussinernullu
- Sulianut ataasiakkaanut ingerlatsineq, matumani sulianut paasissutissat
- Piginnaasatigut ineriartortitsineq pillugu ingerlatsineq kiisalu sullissisinnanermut apeqqutinut ajornartorsiutit
- Misissueqqissaarneq maalaarutinillu suliaqarneq

Aningaasatigut ingerlatsinermut nakkutilliinermi, isumaginninnikkut inatsisit atuuttut tunngavigalugit ingerlatsiviit aningaasatigut illersorsinnaasumik ingerlatsinersut nalilersorneqartassapput.

Nakkutilliisut kommuninut nakkutilliartoreernerisa kingorna, Naalackersuisut pinerit tamaasa nalunaarusiortassapput, qulaani allasimasut tunngavigalugit nalilersuutinik inerniliinermillu imaqartumik.

Nakkutilliisoqatigiit kommuninut ataasiakkaanut qanoq akulikitsigisumik nakkutilliartortarnissaat naatsorsuutigaaqajuk?

Akissut:

Isumaginninnermut tunngasunik nakkutilliineq pillugu Namminersornerullutik Oqartussat nalunaarutaat nr. 6, 16. februar 2006-meersoq tunngavigalugu atuuppoq, piffissami qinersiviup ataatsip ingerlanerani kommunit tamarmik minnerpaamik ataasiarlutik nakkutilliinermik suliaqarfigineqartassasut, kiisalu pisinnaasat malillugit pisariaqartitsisoqartillugulu, soorlu tamanna anguniagaallunilu eqquutsinniarneqartoq.

Inussiarnersumik inuulluaqqusillunga



Sara Olsvig

Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoq

Uunga siunnersuut: Ilaqutariinnik paarsisartunik aamma ulloq unnuarlu paaqqinniffinnik nakkutillineq pillugu Namminersorlutik Oqartussat nalunaarutaat nr. xx, xx. xxx 2017-imeersaq

Meeqqat tapersorsorneqarnissaannut Inatsisartut inatsisaanni nr. xx, xxx 2017-imeersumi § 8, imm. 6, § 9, imm. 4 aamma § 11, imm. 5 naapertorlugit aalajangersarneqarput:

Kapitali 1

Meeqqanik angerlarsimaffiup avataanut inissinneqarsimasunik nakkutillineq

§ 1. Kommunalbestyrelsip inissiisup meeraq inissinneqarfiani sumiiffigisaanilu nakkutigissavaa:

- 1) kommunitut najugaani,
- 2) kommunitut najugarinngisaani kommunini allani, aamma
- 3) inissiivimmi Kalaallit Nunaata avataaniittumi.

Imm. 2. Meeraq kommunimi allami imaluunniit inissiivimmi Kalaallit Nunaata avataaniittumi inissinneqarsimappat, tak. imm. 1, nr. 2-3, kommunalbestyrelsip inissiisup kommunalbestyrelsi inissiiviup sumiiffigisaaniittoq isumaqatigiissuteqarfigisinnaavaa, taanna kommunalbestyrelsi inissiisooq sinnerlugu meeqqap nakkutigineqarneranik isumaginnittuussasoq.

Imm. 3. Meeqqap nakkutigineqarnissaanik isumaginnittuunissamik isumaqatigiissuteqartoqarsimappat, tak. imm. 2, isumaqatigiissutaasup kiisalu aalajangersakkat allat nalunaarummi matumaniittut eqquutsinneqarnissaasa nakkutigineqarnissaat kommunalbestyrelsip inissiisup akisussaaffigissavaa.

§ 2. Meeqqamik nakkutilliinerup qulakkiissavaa, meeqqap tapersorsorneqarnissaa pillugu iliuusisatut pilersaarutip inissiiviusumi malinneqarnissaa, matumani aamma tapersorsuinerup meeqqap pisariaqartitai eqqarsaatigalugit naammattuunissaa naleqquttuunissaalu. Aammattaaq iliuusissatut pilersaarutip inissiivimmut inissiinermi siunertaata eqquutsinneqarnissaa nakkutilliinerup qulakkiissavaa.

§ 3. Nakkutilliinermi meeraq inissiivimmi oqaloqatigineqassaaq.

Imm. 2. Meeqqamik oqaloqateqarnek inunnit inissiivimmeersunit najuuffigineqanngitsumik ajornanngippat ingerlanneqassaaq, apeqqutaatinnagu meeraq ilaqutariinni paarsisartuni imaluunniit ulloq unnuarlu paaqqinniffimmi inissinneqarsimanersoq.

Imm. 3. Meeraq piginnaassutsimigut kingusippat oqaloqatigineqarnissaminilu ikiorneqarnissamik pisariaqartitsippat tamanna immikkut eqqarsaatigineqassaaq, imaluunniit meeqqap isumaasa ilanngunneqarnissaat qulakkeerniarlugu immikkut periuseqartoqassalluni.

Imm. 4. Meeqqap oqaloqatigineqarnissamini meeqqat illersuisuannik inummilluunniit allamik ilaqarnissani nammineerluni toqqarsinnaavaa.

Imm. 5. Meeqqamik oqaloqateqarnissaq imikkut pissuteqarluni naleqquttuusorinanngippat meeqqamik oqaloqateqarnissaq pinngitsoortinneqarsinnaavoq. Oqaloqateqarnissap pinngitsoortinneqarnera meeraq pillugu iliuusissatut pilersaarummi allaganngorlugu tunngavilersorneqassaaq.

Imm. 6. Kommunalbestyrelsi inissiisoq ukiumut ikinnerpaamik marloriarluni meeqqamik oqaloqateqartassaaq .

§ 4. Meeqqamik nakkutilliineq erseqqissumik naliliinikkut aqqissuunneqassaaq, tapersersuineq siunertamisut meeqqallu pisariaqartitaanut naleqqussakkamik ingerlanneqarsinnaajuqullugu.

Kapitali 2

Ilaqutariinnik paarsisartunik nakkutilliineq

§ 5. Kommunalbestyrelsip ilaqutariinnut paarsisartunut akuersissummik tunniussaqtartup ilaqutariit paarsisartut pineqartut nakkutigissavai. Ilaqutariit paarsisartut paarsisuunissamut aamma ilaqutariinnut paarsisartunut akuersissutini tunniunneqartuni piumasagaatinik naammassinnittuujarnissaat nakkutilliinerup qulakkiissavaa.

Imm. 2. Ilaqutariinnut paarsisartunut akuersissut piumasagaatitaqartumik tunniunneqarsimappat, piumasagaatit eqquutsinneqarnerat kommunalbestyrelsip nakkutilliinermini misissussavaa.

Imm. 3. Kommunalbestyrelsip nakkutilliinermut, tak. imm. 1, atatillugu ilaqutariinni paarsisartuni pissutsit misissorlugillu ilaqutariit paarsisartut oqaloqatigissavai.

Imm. 4. Kommunalbestyrelsip nakkutilliinermik isumaginninnermini:

- 1) ilaqutariit paarsisartut nalunaaqqaarluni nalunaaqqaaranilu nakkutilliiartorfigisassavai,
- 2) ilaqutariit paarsisartut paasissutissanik piniarfigisassavai, aamma
- 3) meeqqat ilaqutariinni paarsisartuni inissinneqarsimasut paasissutissanik piniarfigisassavai.

§ 6. Ilaqutariit paarsisartut kommunalbestyrelsimit nakkutilliisuusumit, tak. § 5, qinnuigineqarunik paasissutissat kommunalbestyrelsip nakkutilliisinnaaneranut pisariaqartut tunniutissavaat.

Imm. 2. Ilaqutariit paarsisartut kommunalbestyrelsimit nakkutilliisuusumit, tak. § 5, qinnuigineqarunik paasissutissat, meeqqat ilaqutariinni paarsisartuni inissinneqarsimasut tapersersorneqarnissaannut kommunit kikkut akisussaasuunerannut tunngasut tunniutissavaat.

Imm. 3. Ilaqutariit paarsisartut paasissutissanik kommunalbestyrelsimut nakkutilliisuusumit, tak. § 5, tunniussaannik ingerlatitseqqiineq angajoqqaatut oqartussaassuseqartoq akuersisinngikkaluarlugu pisinnaavoq, ingerlatitseqqiineq nakkutilliisinnaanermut pisariaqartuusorineqarpat.

§ 7. Kommunalbestyrelsi ilaqutariinni paarsisartuni pissutsinik ernumanaateqartunik nakkutilliinermini, tak. § 5, malugisaqarpat, meerarlu pissutsinit ernumanaatilinnit eqqorneqarsinnaappat tamanna kommunalbestyrelsip kommuninut, meeqqap ilaqutariinni paarsisartuni najugaqarneranut akisussaasuusunut ilisimatitsissutigissavaa.

Aanngajaarniutininik atuisuunermik misissuineq

§ 8. Kommunalbestyrelsip nakkutilliinermini, tak. § 5, angajoqqaarsiat allallu inoqutigiinniittut 15-inik taakkualuunniit sinnerlugit ukiullit aanngajaarniutininik inerteqqutaasunik atuisuunnginnissaat qulakkiissavaa. Kommunalbestyrelsi aanngajaarniutininik inerteqqutaasunik atuisuusoqarneranik pasitsaassaqaruni misissuisussaataaneq eqquutsikkumallugu aanngajaarniutininik atuisuunermik misissuissaaq.

Imm. 2. Kommunalbestyrelsip inuk aanngajaarniutininik atuisuunermik imm. 1 naapertorlugu misissorneqartussaq, aanngajaarniutininik atuisuunermik misissuisoqannginnerani akuersiseqqaassavaa.

Imm. 3. Inuup inoqutigiinniittup aanngajaarniutininik atuisuunermik misissorneqarnissani akuersaarumangippagu tamanna nakkutilliinerup sakkortusineqarneranik, tak. § 10, imaluunniit ilaqutariinnut paarsisartunut akuersissutip atorunnaarsinneqarneranik kinguneqarsinnaavoq.

Imm. 4. Aanngajaarniutininik atuisuunermik misissuineq peqqinnissaqarfimmi periusiusut nalinginnaasut malillugit tamatigut pisassaaq.

§ 9. Kommunalbestyrelsip pasitsaappagu angajoqqaarsiat arlaat imaluunniit marluullutik aanngajaarniutininik inerteqqutaasunik atuisuusut, tamanna nakkutilliartorluni pulaarnermik kinguneqassaaq, tak. § 5.

Imm. 2. Kommunalbestyrelsi meeqqamik ilaqutariinnut paarsisartunut inissiisimasoq meeqqamik nakkutilliinermut atatillugu, tak. § 1, allatigulluunniit pasitsaassaqaruni angajoqqaarsiat arlaat imaluunniit marluullutik aanngajaarniutininik inerteqqutaasunik atuisuusut, taava tamanna kommunalbestyrelsimut ilaqutariinnik paarsisartunik nakkutilliisuusumut, tak. § 5, piaarnerpaamik nalunaarutigissavaa. Taava kommunalbestyrelsi nakkutilliisuusoq, tak. § 5, sapinngisamik piaarnerpaamik nakkutilliartorluni pulaassalluni pisussaaffeqarpoq .

Nakkutilliineq annertusisaaq

§ 10. Kommunalbestyrelsip nakkutilliinermut atatillugu, tak. § 5, aalajangersinnaavaa nakkutilliineq annertusineqassasoq, ilaqutariinni paarsisartuni pissutsit aalajangersimasut ima ernumalersitsip-pata:

- 1) ilaqutariit paarsisartut paarsisuunissamut akuersissut malillugu meeqqamut ataatsimut arlaqartunulluunniit angajoqqaarsiaanissamut piumasaqaatinik naammassinnikkunnaartut,
- 2) ilaqutariit paarsisartut ilaqutariinnut paarsisartunut akuersissummi piumasaqaatinik naammassinnikkunnaartut, imaluunniit
- 3) alla pissutigalugu inissiiviusussatut naleqqukkunnaartut.

Imm. 2. Nakkutilliinerup annertusineqarnissaanik aalajangiineq piffissamut sivisunerpaamik qaammatinik pingasunik sivisussuseqartumut aalajangerneqartassaaq. Sivisussusissaa pissutsit ataa-siakkaat aalajangersimasut suuneri tunngavigalugit aalajangersarneqartassaaq.

Imm. 3. Nakkutilliinerup annertusineqarnissaanik aalajangiineq aatsaat pisinnaavoq, ilaqutariit paarsisartut pissutsit nakkutilliinerup annertusineqarnissaanik isummersornermut tunngaviusut pil-

lugit siumut oqaloqatigineqareerpata. Nakkutilliinerulli annertusineqarnissaanik aalajangiineq - ingerlaannaartumik pisinnaavoq, pissutsit immikkut ittut pissutigalugit taamaaliortoqartariaqarpat, matumani aamma iliuitsinik pillarneqaataasinnaasunik pasitsaassaqariataarnermi imaluunniit meeqqat ilaqutariinnut paarsisartunut inissinneqarsimasut isumannaatsuunissaat peqqinnissaallu uloria-nartorsiortinneqaratarsinnaappat.

Imm. 4. Nakkutilliinerup annertusineqarnissaanik aalajangiineq aatsaat pisinnaavoq, ilaqutariit paarsisartut pissutsinik nakkutilliinerup annertusineqarnissaanik isummorsornermut tunngaviusunik aaqqiisinnaanerata aaqkeerusunnerallu ilimanaateqarsorineqarpat. Ilaqutariit paarsisartut pissutsinik isumakulunnartunik aaqqiisinnaanerata aaqkeerusunnerallu naatsorsuutigineqanngippat, ilaqutariinnut paarsisartunut akuersissutip atorunnaarsinneqarnissaa kommunalbestyrelsip aalajangissavaa, tak. Ilaqutariit paarsisartut pillugit Namminersorlutik Oqartussat nalunaarutaanni § 9.

Imm. 5. Nakkutilliinerup annertusineqarnissaa kommunalbestyrelsip nakkutilliinermut atatillugu, tak. § 5, aalajangerpagu, kommunit meeqqat paarineqartut ilaqutariinni paarsisartuni najugaqartinneqarnerinut akisussaasuusut kommunalbestyrelsimit ilisimatinneqassapput.

Nakkutilliisimanermit nalunaarusiaq

§ 11. Kommunalborgstyrelsi ilaqutariinnut paarsisartunut nakkutilliartorsimanerit tamaasa nakkutilliisimanermit nalunaarusiamik suliaqartassaaq.

Imm. 2. Nakkutilliisimanermit nalunaarusiami minnerpaamik makkua allaqqassapput:

- 1) Ulloq nakkutilliartorfik.
- 2) Kina nakkutilliartorsimansoq.
- 3) Nakkutilliartorsimaneq siumut nalunaarutigineqarsimansoq nalunaarutigineqarsimannginner-sorluunniit.
- 4) Nakkutilliartorsimanermut tunngaviusoq.
- 5) Kommunalborgstyrelsi nakkutilliartortoqannginnerani paasissutissanik sunik piniarsimansoq.
- 6) Kommunalborgstyrelsi nakkutilliartornermut atatillugu kikkunnik oqaloqateqarsimansoq.
- 7) Ilaqutariit meeqqanik qassinik paarsaqarnersut, kiisalu meeqqat ukiui tapersorsorneqarnissamillu pisariaqartitaat.
- 8) Nakkutilliartornermi maluginiarneqartut suuneri.
- 9) Aanngajaarniutinik atuisuunermik misissuisoqarsimappat taakku inernerit, tak. § 8.
- 10) Ilaqutariit paarsisartut ilaqutariittut paarsisartutut akuersissummini piumasagaatinik eqquutsit-sineranik naliliineq.
- 11) Nakkutilliartortoqarnerata, matumani aamma nakkutilliinerup annertusineqarnissaanik aalajangiinerup, ilaqutariinnut paarsisartunut akuersissummik atorunnaarsitsinissamik aalajangiinerup aamma paasissutissanik kommunalborgstyrelsimut kommunalborgstyrelsinulluunniit meeqqap ilaqutariinnut paarsisartunut inissinneqarnissaanik aalajangiisimasunut paasissutissanik ingerlatitseqqiinerup kingunerisaannik qisuariaataasimajunnartut.
- 12) Tullissaanik nakkutilliartornissami suliassatut isumaliutigineqartut, matumani aamma siumut ilisimatitseqqaarani nakkutilliartortoqassanersoq.

Kapitali 3

Ulloq unnuarlu paaqqinniffinnik nakkutilliineq

§ 12. Meeqqanik ulloq unnuarlu paaqqinniffinni, matumani aamma ulloq unnuarlu paaqqinniffiit immikkoortortaanni isumannaallisakkani ingerlatsineq perorsaanerlu Naalakkersuisut nakkutigissavaat. Ulloq unnuarlu paaqqinniffiup pitsaassusissamik attassiinnarnissaa akuersissummilu pi-umasagaatinik naamassinnittuujarnissaa nakkutilliinerup qulakkiissavaa.

Imm. 2. Naalakkersuisut nakkutilliinermut atatillugu, tak. imm. 1, ulloq unnuarlu paaqqinniffimmi pissutsit misissorlugillu ulloq unnuarlu paaqqinniffimmik oqaloqateqartassaaq.

Imm. 3. Naalakkersuisut nakkutilliinermik isumaginninnerminni:

- 1) ulloq unnuarlu paaqqinniffimmut siumut nalunaaqqaarlutik nalunaaqqaaratillu nakkutilliartortassapput,
- 2) paasissutissanik ulloq unnuarlu paaqqinniffimmut piniartassapput, aamma
- 3) ulloq unnuarlu paaqqinniffimmi sulisuusut meeqqallu kiisalu inuit susassaqtut allat paasissutissanik piniarfigisassavaat.

§ 13. Ulloq unnuarlu paaqqinniffiit, Ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni kapitali 3 imaluunniit kapitali 4 naapertorlugu akuerisaasut aningaasaqarnerat Naalakkersuisut nakkutigissavaat.

Imm. 2. Pisortaat sulisorisanut tamanut tunngatillugu akissarsiat pillugit isumaqatigiissutinik atuuttunik nakkutilliinermut atatillugu, tak. imm. 1, saqqummiussissapput, soorluttaaq sulisorisanut tamanut qaammatini aqqaneq-marlunni kingullerni akissarsiatut tunniunneqarsimasut paasissutisartaqartinneqassasut.

Imm. 3. Naalakkersuisut aningaasaateqarfinnik, aningaasaateqarfiit peqatigiiffiillu pillugit inatsimmi pineqartunut ilaangitsunik nakkutilliinerminni nakkutigissavaat:

- 1) aningaasaateqarfiup aningaasanik atuinera ileqqoreqqusanut aamma aningaasaateqarfiup tunngavianut siunertaanullu Naalakkersuisunit akuerineqarsimasumut naapertuunnersoq, aamma
- 2) aningaasaateqarfik inatsisit malillugit naatsorsuusiortussaannermik kukkunersuisoqarnissamillu piumasagaatinik malinninersoq.

§ 14. Ulloq unnuarlu paaqqinniffiup ileqqoreqqusani piumasagaatinik eqquutsitsinera Naalakkersuisut misissussavaat.

§ 15. Ulloq unnuarlu paaqqinniffiup pissutsit akuersissummut tunngavigineqartut annertuumik allannguuteqarpata tamanna peqquneqaaqqaanngikkaluarluni Naalakkersuisunit paasissutissiissutigissavaa.

Imm. 2. Ulloq unnuarlu paaqqinniffik Naalakkersuisunit qinnuigineqaruni paasissutissanik Naalakkersuisut nakkutilliisinaanannut pisariaqartunik tunniussissaaq.

Imm. 3. Ulloq unnuarlu paaqqinniffik Naalakkersuisunit qinnuigineqaruni paasissutissat, meeqqat ulloq unnuarlu paaqqinniffimmut inissinneqarsimasut tapersorsorneqarnissaannut kommunit kikkut akisussaasuunerannut tunngasut tunniutissavaat.

Imm. 4. Ulloq unnuarlu paaqqinniffiup paasissutissanik Naalakkersuisunut tunniussaanic ingerlatitseqqiineq angajoqqaatut oqartussaassuseqartoq akuersisinngikkaluarlugu pisinnaavoq, ingerlatitseqqiineq nakkutilliisinnaanermut pisariaqartuusorineqarpat.

§ 16. Naalakkersuisut ulloq unnuarlu paaqqinniffimmi pissutsinik ernumanaateqartunik malugisaqarpata, meerarlu pissutsinit ernumanaatilinnit eqqorneqarsinnaappat, tamanna Naalakkersuisut kommuninut meeqqap ulloq unnuarlu paaqqinniffimmi najugaqarneranut akisussaasusunut ilisimatitsissutigissavaat.

Peqqusineq

§ 17. Ulloq unnuarlu paaqqinniffiup akuersissummi piumasaqaatinik eqquutsitsiuarnissaa qulakkeerneqarsinnaaqqullugu Naalakkersuisut peqqusisoqarnissaanic aalajangiisinnaapput, taassumalu eqquutsinneqarnissaa akuersissut atuutiinnassappat piumasaqaataasinnaavoq. Peqqusinerup eqquutsinneqarnissaanut piffissaliusaaq Naalakkersuisut aalajangersassavaat.

Imm. 2. Peqqusinissamik aalajangiineq aatsaat pisinnaavoq, ulloq unnuarlu paaqqinniffik pissutsit peqqusinissamik isummersornermut tunngaviusut pillugit siumut oqaloqatigineqareerpat. Peqqusinissamilli aalajangiineq ingerlaannaartumik pisinnaavoq pissutsit immikkut ittut pissutigalugit taamaaliortoqartariaqarpat, matumani aamma iliutsinik pillarneqaataasinnaasunik pasitsaasaqariataarnermi imaluunniit meeqqat ulloq unnuarlu paaqqinniffimmut inissinneqarsimasut isumannaatsuunissaat peqqinnissaallu ulorianartorsiortinneqaratarsinnaappat.

Imm. 3. Peqqusinissamik aalajangiineq aatsaat pisinnaavoq, ulloq unnuarlu paaqqinniffiup pissutsinik peqqusinissamik isummersornermut tunngaviusunik aaqqiisinaanera aaqqeerusunneralu ili-manateqarsorineqarpat. Ulloq unnuarlu paaqqinniffiup pissutsinik isumakulunnartunik aaqqiisinaanera aaqqeerusunneralu naatsorsuutigineqanngippat, akuersissutip atorunnaarsinneqarnissaa Naalakkersuisut aalajangissavaat.

Imm. 4. Naalakkersuisut peqqusinissamik atuutilersitsinissaa atorunnaarsitsinissarlunniit aalajangerpassuk, kommunit inissiisut Naalakkersuisunit ilisimatinneqassapput.

Nakkutilliineq annertusisaaq

§ 18. Naalakkersuisut nakkutilliinerup annertusineqarnissaa aalajangersinnaavaat, Naalakkersuisut ulloq unnuarlu paaqqinniffimmi ataatsimut naliliinerminni isumaqarpata ulloq unnuarlu paaqqinniffiup pitsaassusissani attasiinnaanngikkaa.

Imm. 2. Nakkutilliinerup annertusineqarnissaanic aalajangiineq piffissamut sivisunerpaamik qaammatinik pingasunik sivisussuseqartumut aalajangerneqartassaaq. Sivisussusissaa pissutsit ataasiakkaat aalajangersimasut suuneri tunngavigalugit aalajangersarneqartassaaq.

Imm. 3. Naalakkersuisut nakkutilliinerup annertusineqarnissaanik aalajangiinnerminnut atatillugu peqqusinermik atuutilersitsissapput, tak. § 15.

Imm. 4. Nakkutilliinerup annertusineqarnissaanik aalajangiineq pissaaq, ulloq unnuarlu paaqqinniffik pissutsit nakkutilliinerup annertusineqarnissaanik isummersornermut tunngaviusut pillugit si-umut oqaloqatigineqareerpat. Nakkutilliinerulli annertusineqarnissaanik aalajangiineq ingerlaan-naartumik pisinnaavoq pissutsit immikkut ittut pissutigalugit taamaaliortoqartariaqarpat, matumani aamma iliuutsinik pillarneqaataasinnaasunik pasitsaassaqariataarnermi imaluunniit meeqqat ulloq unnuarlu paaqqinniffimmut inissinneqarsimasut isumannaatsuunissaat peqqinnissaallu ulorianartor-siortinneqaratarsinnaappat.

Imm. 5. Nakkutilliinerup annertusineqarnissaanik aalajangiineq pissaaq, ulloq unnuarlu paaqqin-niffiup pissutsinik nakkutilliinerup annertusineqarnissaanik isummersornermut tunngaviusunik aaqqiisinnaanera aaqqeerusunneralu ilimanaateqarsorineqarpat. Ulloq unnuarlu paaqqinniffiup pis-sutsinik isumakulunnartunik aaqqiisinnaanera aaqqeerusunneralu naatsorsuutigineqanngippat, aku-ersissutip atorunnaarsinneqarnissaa Nakkutilliinerup ingerlatsiviup aalajangissavaa, tak. Ulloq unnuarlu paaqqinniffimmut pilersitsineq ingerlatsinerlu pillugit Namminersorlutik Oqartussat nalu-naarutaanni §§-t 22 imaluunniit 47.

Imm. 6. Naalakkersuisut nakkutilliinerup annertusineqarnissaata aallartinneqarnissaa aalajanger-passuk, kommunit meeqqat ulloq unnuarlu paaqqinniffimmi najugaqarnerannut akisussaasuusut Nakkutilliinerup ingerlatsivimmit ilisimatinneqassapput.

Nakkutilliisimanermit nalunaarusiaq

§ 19. Naalakkersuisut ulloq unnuarlu paaqqinniffimmut nakkutilliartorsimanerit, tak. §§-it 12-imiit 14-imut, tamaasa nakkutilliisimanermit nalunaarusiamik suliaqartassapput.

Imm. 2. Nakkutilliisimanermit nalunaarusiami minnerpaamik makkua allaqqassapput:

- 1) Ulloq nakkutilliartorfik.
- 2) Kina nakkutilliartorsimanersaq.
- 3) Nakkutilliartorsimaneq siumut nalunaarutigineqarsimanersaq nalunaarutigineqarsimannginner-sorluunniit.
- 4) Nakkutilliartorsimanermit tunngaviusaq.
- 5) Nakkutilliinerup ingerlatsivik nakkutilliartortoqannginnerani paasissutissanik sunik piniarsi-manersaq.
- 6) Naalakkersuisut nakkutilliartornermit atatillugu kikkunnik oqaloqateqarsimanersut.
- 7) Meeqqat ulloq unnuarlu paaqqinniffimmiittuutigineqartutut nalunaarneqarsimasut qassiuneri kii-salu meeqqat ukiui tapersorneqarnissamillu pisariaqartitaat.
- 8) Nakkutilliartornermi maluginiarneqartut suuneri.
- 9) Ulloq unnuarlu paaqqinniffiup meeqqanik paaqqinniffimmiittuutigineqartutut nalunaarneqarsi-masunik katsorsaaniissamik isumassuiniissamillu suliaassaminik isumaginninnissamut piumasaaqaati-nik eqquutsitsineranik naliliineq.

10) Ulloq unnuarlu paaqqinniffimmut akuersissummi piunasaqaatit ulloq unnuarlu paaqqinniffimmit sulii eqquutsinneqarnerinik naliliineq.

11) Nakkutilliiartortoqarnerata, matumani aamma nakkutilliinerup annertusineqarnissaanik aalajangiinerup, akuersissummik atorunnaarsitsinissamik aalajangiinerup aamma paasissutissanik kommunalbestyrelsimut kommunalbestyrelsinulluunniit, meeqqap ulloq unnuarlu paaqqinniffimmut inissinneqarnissaanik aalajangiisimasunut paasissutissanik ingerlatitseqqiinerup kingunerisaannik qisuariaataasimajunnartut.

12) Tullissaanik nakkutilliiartornissami suliasatut isumaliutigineqartut, matumani aamma siumut ilisimatitseqqaarani nakkutilliiartortoqassanersoq.

Kapitali 4

Kommunalbestyrelsip ingerlatsinerata qulliunerusumit nakkutigineqarnera

§ 20. Kommunalbestyrelsip Meeqqat tapersorsorneqarnissaannut Inatsisartut inatsisaat naapertorlugu kiisalu suliasat suliarineqartarnerat pillugu aamma paasitinneqarsinnaatitaanermik inatsimmi maleruagassanik, meeqqanik isumaginninnerullu iluani sullissinnermut tunngasunik ingerlatsinera atuutsitsineralu Naalakkersuisut qulliunerusutut nakkutigissavaat.

§ 21. Qulliunerusut nakkutilliineranni pineqassapput :

- 1) inatsisit,
- 2) aningaasaqarneq, aamma
- 3) isumaginninnermi suliasat suliarineqarnerisa pitsaassusiat.

Imm. 2. Qulliunerusut nakkutilliinerata imarissavai:

- 1) suliasanik assigiinngiiaartunik misissuineq,
- 2) inunnik ilisimaarinnittunik oqaloqateqarnerit, aamma
- 3) kukkunerisuineq.

§ 22. Inatsisinik isumaginninnermilu suliasanik suliarinninnermik nakkutilliinermi naliliiffiqineqassaput ingerlatsiviup:

- 1) maleruagassanik allassimasunik periaasiulersimasunillu malinninnera,
- 2) nassuiaasarneq missiliuisarnerlu,
- 3) piginnaasatigut tutsuiginassutsikkullu ajornartorsiutit qanoq aaqqinneqartarsimaneri,
- 4) suliasat paasissutissartaqartinneqartarneri suliasanillu suliaqartarneq, aamma
- 5) misissuineq naammagittaalliuutinillu suliaqarneq.

§ 23. Aningaasaqarnermik nakkutilliinermi nalilerneqassaaq aningaasaqarnermik ingerlatsineq isumaginninnerup iluani inatsisinik tunngavilik isumannaatsuunersoq.

Nakkutilliisimanermit nalunaarusiaq

§ 24. Naalakkersuisut kommunimut nakkutilliiartorsimanerit tamaasa nakkutilliisimanermit nalunaarusiamik suliaqartassapput.

Imm. 2. Nakkutilliisimanermit nalunaarusiap minnerpaamik imarissavai pissutsinik §§-ini 22-mi 23-milu allattorsimasunik misissueqqissaarneq naliliinerlu.

Kapitali 5
Atortuulerfia

§ 25. Nalunaarut 1. juli 2017-imi atortuulerpoq.

Namminersorlutik Oqartussat, ulloq xx. juni 2017

Sara Olsvig

/

Julie Præst Wilche